

Broj: 125-8/18

Datum: 08.01.2018. godine

Na osnovu člana 64. stav 1. tačka a), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: **125-2/18 od 05.01.2018.** godine, u postupku javne nabavke roba – **Medicinska oprema: LOT 1 - Aparat za magnetnu rezonancu, LOT 2 – CT aparat i LOT 3 – Gama kamera**, direktor Javne ustanove Opća bolnica „Prim. dr. Abdulah Nakaš“, je donio

**ODLUKU**  
**o izboru najpovoljnijeg ponuđača**

**Član 1.**

Prihvata se Preporuka Komisije za nabavku, broj: 125-2/18 od 05.01.2018. godine i Ugovor za javnu nabavku roba – **Medicinska oprema:**

1. **LOT 1 – Aparat za magnetnu rezonancu** dodjeljuje se ponuđaču „**MEDIT**“ d.o.o. Sarajevo, ponuda br. P103-MP/17, dostavljena dana 28.12.2017. godine, za ponuđenu cijenu od **1.445.563,41 KM (bez PDV-a)**, kao najpovoljnijem ponuđaču.

**Član 2.**

Ponuđač se osloboda obaveze dostavljanja originala ili ovjerene kopije dokumentacije iz člana 45. i 47. Zakona o javnim nabavkama nakon prijema Odluke o izboru najpovoljnijeg ponuđača jer je navedenu dokumentaciju dostavio uz Izjave tj. ponudu.

**Član 3.**

Prijedlog Ugovora o nabavci dostaviće se na potpis izabranom ponuđaču nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

**Član 4.**

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđačima koji

su učestvovali u postupku javne nabavke, u skladu sa članom 70. stav. 6. Zakona o javnim nabavkama.

#### **Član 5.**

Ova Odluka stupa na snagu danom donošenja, i dostavlja se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

#### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: **8611-2/17 od 09.11.2017. godine.**

Javna nabavka je sprovedena **putem otvorenog postupka.**

Procijenjena vrijednost javne nabavke bez PDV-a je **2.308.000,00 KM.**

Obavještenje o nabavci broj: 1125-1-1-400-3-107/17, poslato je na objavljivanje dana **20.11.2017. godine**, a objavljeno je na Portalu javnih nabavki dana **20.11.2017. godine**, sažetak obavještenja o nabavci objavljen je u Sl. glasniku BiH broj: **84/17 od 24.11.2017. godine.**

Komisija za nabavku, imenovana je Rješenjem broj: **8611-3/17 od 09.11.2017. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **125/18 od 05.01.2018. godine**, Preporuku o izboru najpovoljnijeg ponuđača broj: **125-2/18 od 05.01.2018. godine** i Izvještaj o radu broj: **125-7/18 od 08.01.2018. godine**, u postupku javne nabavke roba – **Medicinska oprema: LOT 1 - Aparat za magnetnu rezonancu.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 3 ponude,
- da su blagovremeno primljene 3 ponude,
- da nije bilo neblagovremeno primljenih ponuda,

- da je ponuda ponuđača „**MEDIT**“ d.o.o. Sarajevo, kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način,

- da ponude ponuđača „**SIEMENS MEDICINA**“ d.o.o. Sarajevo i „**MEDICAL**“ d.o.o. Mostar nisu kvalifikovane i prihvatljive iz sljedećih razloga:

Ponuđač „**SIEMENS MEDICINA**“ d.o.o. Sarajevo u svojoj ponudi za predmetnu nabavku nije dostavio Potvrdu koju daje druga ugovorna strana o realizaciji ugovora, ali je dostavio Izjavu privrednog subjekta o uredno izvršenim ugovorima bez predočenog dokaz o učinjenim pokušajima da se takva potvrda osigura, koja je tražena u odjeljku c)



Uslovi za kvalifikaciju ponuđača u tački 4. Tehnička i profesionalna sposobnost – član 48-51. Zakona na strani 13. tenderske dokumentacije.

Također, navedeni ponuđač je dostavio katalog ponuđene opreme, na engleskom jeziku, koji nije ovjeren od strane Sudskog tumača kako je zahtijevano u odjeljku c) Uslovi za kvalifikaciju ponuđača u dijelu Posebni uslovi na strani 15. tenderske dokumentacije.

Na osnovu naprijed navedenog, ponuda ponuđača „Siemens Medicina“ d.o.o. Sarajevo se odbacuje u skladu sa članom 68. stav (4) tačka i) Zakona o javnim nabavkama.

Ponuđač „**MEDICAL**“ d.o.o. Mostar u svojoj ponudi za predmetnu nabavku nije dostavio dokaze kako slijedi:

- ID broj – ovjerena kopija, koja je tražena u tački 2. Sposobnost obavljanja profesionalne djelatnosti – član 46. Zakona na strani 13. tenderske dokumentacije.

- Izjavu o prihvatanju roka, načina i uslova plaćanja koja je tražena u odjeljku e) OSTALI PODACI u tački 7. Rok, način i uslovi plaćanja izabranom ponuđaču na strani 29. tenderske dokumentacije.

- Paket u kome je stigla ponuda ponuđača nije ovjeren pečatom ponuđača, niti je parafiran potpisom ovlaštenog lica, a što je traženo na strani 19. tenderske dokumentacije u tački 2) Način dostave ponude, podtačka f) . što je konstatovano u zapisniku sa javnog otvaranja ponuda.

- Ponude za sve lotove na koje se prijavljuje ponuđač dostavljaju se u posebnim kovertama na kojima mora biti naznačeno na koji lot se ponuda odnosi. Ponude ponuđača za predmetnu nabavku unutar paketa nisu dostavljene u posebnim koverta niti u koverti uopšte, a što je traženo na strani 18. tenderske dokumentacije u odjeljku d) Podaci o ponudi.

- U skladu sa kriterijem za dodjelu ugovora (ekonomski najpovoljnija ponuda) tenderskom dokumentacijom na strani 20. određeni su podkriteriji gdje je ugovorni organ zahtijevao od ponuđača da u svojoj ponudi navedu Rok isporuke od potpisa ugovora koji se vrednuje sa 20 bodova i Garantni rok od izdavanja zapisnika o isporuci robe bez primjedbi koji se vrednuje sa 10 bodova. Ponuđač „Medical“ d.o.o. Mostar nigdje u ponudi nije naveo navedene podkriterije kao posebne izjave, već je iste dao samo u Nacrtu ugovora što je konstatovano u zapisniku sa javnog otvaranja ponuda.

Pored gore navedenog ponuđač je u svojoj ponudi dostavio Garanciju za ozbilnost ponude za 3 (tri) lota, iako je ponudu dostavio za 2 (dva) lota (lot 1 i lot 3). U skladu sa tenderskom dokumentacijom odjeljak e) OSTALI PODACI tačka 1) Garancija za ozbilnost ponude, garancija za dobro izvršenje posla i svako drugo traženo obezbjeđenje za privremena plaćanja na strani 24. tenderske dokumentacije, ugovorni organ je zahtijevao dostavljanje Garancije za ozbilnost ponude pojedinačno po lotu, a ne kumulativno za sve lotove.

Na osnovu naprijed navedenog, ponuda ponuđača „Medical“ d.o.o. Mostar se odbacuje u skladu sa članom 68. stav (4) tačka i) Zakona o javnim nabavkama.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da su izabrani ponuđači najbolje ocijenjeni zbog:

**Ekonomski najpovoljnije ponude sa podkriterijima kako slijedi:**

- 1. Cijena - 70 bodova**
- 2. Rok isporuke od potpisa ugovora - 20 bodova**
- 3. Garantni rok od izdavanja zapisnika o isporuci robe bez primjedbi - 10 bodova**

**Ukupan mogući broj bodova: 100**

**LOT 1 – Aparat za magnetnu rezonancu**

Red. broj	Naziv ponuđača	Kriterij za dodjelu ugovora – ekonomski najpovoljnija ponuda			Ukupno bodova
		Cijena (KM bez PDV-a) - 70 bodova	Rok isporuke – 20 bodova	Garantni rok – 10 bodova	
1.	„MEDIT“ d.o.o. Sarajevo	1.445.563,41 KM – 70 bodova	120 dana – 20 bodova	12 mjeseci – 10 bodova	100 bodova

Izabrani ponuđač je izabran primjenjujući kriterij „ekonomski najpovoljnija ponuda“.

Iz navedenih razloga, primjenom člana 64. stav 1. tačka a) Zakona o javnim nabavkama, člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.



## POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.

Žalba se podnosi u najmanje 3 (tri) primjerka.

PRIPREMILA:  
Amira Petrović, BA općeg prava  
Referent za pravne poslove

AP



DIREKTOR  
*Zlatko Kravić*  
Prim. dr. Zlatko Kravić

### Dostaviti:

- Ponuđaču: „MEDIT“ d.o.o. Sarajevo
- Ponuđaču: „SIEMENS MEDICINA“ d.o.o. Sarajevo
- Ponuđaču: „MEDICAL“ d.o.o. Mostar
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a.